

www.e-rara.ch

Der guldin Spiegel des Sunders

Jacobus

[Basel], [21. Okt. 1497]

Universitätsbibliothek Basel

Persistent Link: <https://doi.org/10.3931/e-rara-15157>

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

C, 201

Der Curs vom sacrament.

Vflegung des Gloria patri.

Sant Bernarts Rosen krantz.

[Faint, mostly illegible text in a Gothic script, likely bleed-through from the reverse side of the page.]

Nach vorgesetzten vnderwoy
sungen vnd der sündler mit
gots hilff so ferr erlāgt hat
Dz im sin sünde warlich leid/vñ dar
vff sin bicht vñ büß vñ beßerūg als
eyn krüz dē herren iesu nach zewol
gē vff sich geladen hat/vnd der alt
mensch sin alten bösen sündlichē ge
wonheitē der natur blödikeit vnd
böser gewōheit/ouch vnser trisal
tigen fyends anfechtungē halb/on
groß hilff/hüt vñ bystādē gortlicher
gnadē widfellig liederlich dar nach
in großer sorglicher stat vñ wesen
kumpt/Als vnser herr im euāgelio
vō dē bösen geist der nach syner vß
tribūg wider kumpt mit sibē andern
bösern hilffē den vor/vñ den die lez
sten ding des sünders sorglicher vñ
böser werdē den die ersten/ **D**a für
vñ dagegē vns vō christo vnserm

Herrē syn zarter fronlichnam/ syn
 fleisch vñ blüt zu spis vñ zu tranck
 zu sterckerung vñ zu imbrünstikeit/
 zu wegwyfung vñ vnderwysung ge
 be ist. **D**eshalb dē sūnder nottürff
 tig ist solichē bösen schaden zeverlös
 men/ vñ d̄z er in büßwerckē vnd in
 güte blibē vñ beharrē möge/ **D**z er
 sich flüßicklich schicke zu dē heiligē sa
 cramēt vnser Herrē fronlichnā so
 lichs oft vñ mit andacht zeempfa
 hē/ **D**eshalb diser nachgeschribner
Curs von dē heiligē sacramēt/ das
 sind die sibē tags zitt/ gott ze lob vñ
 dē sūnder ze nutz/ vñ ze beharrung in
 güte hier zu gesezt sind zu andacht
 ger schickung des sūnders zu dem
 selben heiligen sacrament. **D**ar zu
 d̄z die empfangne gnad des sūn
 ders durch vndanckbarkeit nit ver
 lorn werde/ so fyndt er in dē nachs

nolgende begriff/wie cyn yeglicher
mensch gott dem vatter/vnd gott
de sun/vnd gott de heilige geist sol
danckbar syn vn danck sage/durch
alle zitt sins lebens/das Gloria pa-
tri vßgeteilt in betrachtung gotz ere
vn gabe zu danckbarkeit durch yeg-
lich tag in der woche gesundert als
da selbs gute berichtung gebe wirt.
Vn zu lest das würdig lob der iung-
frowen Marie gotz müter durch
sint Bernart gedichtet/on die keyn-
gnad geben/eruoigt/oder blicklich
mag sin zu danck gesetzt. Dar inn
sich der büßer in beschowung geist-
licher würdickheit vnd nyessung der
süßikeit gotts vnd syner würdigen
müter nützlich üben vnd bewerben
mag.

Isch
Bel
sun
im
in a

c
die
git

E
serm
keren
men
fung

3

Zu der metty vom Sacramēt.

Herr/ thu vff myn leffzen/
H vnd myn mund wirt din
lob verkündē. Gott hab vff
sehen in myn hiff/ Herr yle mir ze
helffen. Gloria dē vatter vnd dem
sun vñ dē heiligē geist. Als er was
im anfang vnd yetz vñ allwegē vñ
in alle welt d weltē/ amē/ Alleluia.

Das inuitatorium.

Christum den künig sollen wir
anbetten der da herschet über
die völder/ Der denē die in nüsset
git des geistes feistikeit. Psalmus.

R vment lasent Venite.
vns dem herren frölich sin/
lasent vns iubilierē gott vn
serm heil/ lasent vns sin antlit an
keren in der bicht/ vnd in den psal
men im iubilieren. Christum den
künig sollē wir anbetten der da her

ſchet über die völker/ **D**er denē die
in nißent gutt des geistes feißikeit.
Wann gott iſt ein groſer herr vñ
eyngroſer künig über alle gött/wañ
der herr vertribt ſin volck nit/denn
in ſyner hand ſynd all ende des erc
richs/vñ die hohynē der bergē ſicht
er. **D**er denen die in nißend gutt
des geistes feißikeit. **W**ann ſyn iſt
das mer vñ er hat es gemacht/vñ
die türre hand ſyn hend geſtiffet/
komend laßend vns anbetten vnd
laßend vns nyder fallen vor gott/
laßen vns weynen vor dem herrē
der vns hat gemacht/den er iſt herr
vnſer gott/aber wir ſind ſyn volck
vñ die ſchaff ſyner weyde. **C**hriſtū
den künig ſollē wir anbetten/der da
herſchet vber die völker/ **D**er denē
die in nißent gutt des geistes feißi-
keit. **G**ütt ob ir ſyn ſtymm werden

Hören sollent ir iüwer hertzen nit ver
 herttē/als in der verbitterüg nach
 dem tag der versuchung in der wü
 ste /da mich iüwer vettere versüch
 tend/sy bewertend vnd sachend my
 ne werck. **D**er denen die in nüß
 end gitt des geistes feisheit. Vier
 zig iar bin ich nach gewesen disem
 geslecht/vnd hab allzitt gesprochē
 sy irrend im hertzen/aber sy habend
 myne weg nit erkant/denen ich ge
 sworn hab in mynē zorn/ob sy wer
 den ingan in myn rūwe. **C**hristum
 den künig sollen wir anbettē der da
 herscher über die völkler/**D**er denē
 die in nüßend gitt des geistes feis
 heit. **G**loria dem vatter vnd dē sun
 vnd dem heiligen geist/**A**ls er was
 im anfang vnd yetz vnd allwegē/
 vnd in alle welt der welten amen.
Der denen die in nüßent gitt des

geistes feistikeit. Christu den künig
sollen wir anbetten der da herscher
über die völker zc. als vor.

Der ympe. Verbū supernum.

Das obrist wort ist ganger
vns/von vatters siten vnge-
scheiden/zu synē werck von
gottes hus/ist kōmen zu abent des
leben. In tod vom iunger hin ze ge-
hen/in syner fyend tratzlich hend/
hat doch da vor die spis des lebēs/
sich selbsts synē iungern zu bewend.
Vnder zwifaltiger gestalt / fleisch
vnd blüt er men gab/dz des men-
schen wesen zwifalt/vō im spis vñ
das leben hab. Durch syn gebürt
vns er gesell/durch syn wirtschafft
vns er spis/syn tod bezalt für vns
die hell/syn richsnung vns er erb
vñ prys. **D**u heilsame hostia/di
flüßst des hymels porten vff/vns

trenge der fyend Bosheit an/verlich
 vns krafft kun vns zu hilff. **E**ynē
 trisaltigē herren/syg ewig lob vnd
 süß gesang/der der vns on end dz
 ewig leben/verliße in syns vatters
 land/Amen. **D**ie antiffen.

In gemeynsame.

Der. xv. psalmus.

Behalt mich herr wann ich
 hab geboffet in dich/ich hab
 zu dē herrē gesprochē/myn
 gott bist du/wann du myner güs
 ten nit bedarfft. **D**en heiligen die
 in synem land sind/hat er wunder
 bar gemacht alle myne willen in
 inen. **I**r siechtage sind geuylet/dar
 nach hand sy geylet. **I**ch wird nit
 sambnen ir sambnungen von den
 sünden/ vnd wird nit gedechtig sin
 wer namē durch myn leffzen. **D**er
 herr ist der teil myns erbsvñ myns

kelchs/ du bist & mir myn erb wirst
widergeben. Die seil sind mir em-
pfallen in den fürlichtungē/ zwar
myn erb ist mir fürlichtig. Ich sol
den herren gesegnen der mir hat
geben verstentnuß/ dar zu bis zu
nacht haben mich gescholten myn
nyeren. Ich fürsach den herren in
myner angesicht all zitt/ wann er
ist mir zu rechten sūten/ dz ich nit be-
wegt werde. Darumb ist erfrowt
myn hertz vnd myn zung ist vff ge-
sprungen/ dar zu vnd myn fleisch
wirt rüwen in hoffnung. Wan du
verlaßest nit myn sele in der helle/
noch dynen heiligen wirstu nit ge-
ben zesehen die zerbrüchlikeit. Du
hast mir kint gemacht die weg des
lebens/ du wirst mich mit froid er-
settigen mit dynem anlit/wollust
in dynen gerechten hand bis in das

end. Gloria dem vatter vnd dem
 sun zc. Die antiffen. In gemeyns
 same des kelchs da gott selbs ge
 noße wirt/nit in der kelcher blüt hat
 vns d herr versambnet. **V**ersickel.
Er hat sy gespist vß der feiße des
 korns/ Vnd vō dē felsen mit hong
 hat er sy gesettiget. **E**yricleison/Chri
 steleison/kyrieleison. **P**ater noster/
Auemaria zc. Vnd nit für vns in
 beforüg/Sunder lös vns vor übel.
Der segē. Das sacramēt vn
 sers herren iesu christi libs vñ blüts
 sy vns hie vnd in ewikeit wider al
 le schadē veste bewarung/Amen.
Inbe domine benedicere. **D**er ge
 segne vns der vns synen fronlich
 nam zu eyner spis gut/Amen.

Die erste Lection.

Die vnmeslichen gaben der
 gottliche milrkeit dē christē

lichen volck verlyhen/bringend im
me denn yeman bedencen möge
große wirdikeit. **D**enn yetz noch
vor zitten ist nye keyn geburt der lü
ten so groß gewesen/die da hab die
gött men so nahent/als vns vnser
gott annahet. **D**enn gotts eyne
geborner sun/da er vns wolt syner
gottheit teilhaftig sin/da nam er
vnser natur an sich. **V**n das er die
menschē gott machte/ist er mensch
worden. **V**nd so vil me/dz er das
so er vō dem vnsern genomen/hat
er ganz vnd aller ding vns zu heil
verlyhen. **D**en er hat sinen fron
lichnam vmb vnser versünig wil
len vff dem alter des crüzes eyne ho
stien geopffert gott dē vatter. **S**yn
blut vergossen zu bezalung vnd zu
abweschung. **V**nd vmb dz wir vō
hartseliger dienstberkeit erlöset von

allen sünden gereyngert würdē. Vñ
 du herr erbarm dich über vns. Got
 sy lob geseit. Das erst respōsorū.

Iesus saß ze tisch vnd syne
 iunger mitt im vnd sprach/
 begirlich hab ich begert diß
 osterlamb mitt iuch ze esen ee dan
 ich lide. Vñ nā das brot danckend
 brachs vñ gabs inē vñ sprach/ das
 ist myn lyb. Der vers. Künig as-
 suer⁹ macht eyn große wirtschafft
 allen fürsten vnd synē kunden dz er
 zoigte die richthumb der er en syns
 richs. Vñ nam das brot danckend
 brachs vnd gabs inen vnd sprach/
 das ist myn lib. // Segen.

Heiß herr gesegnen. Durch heym-
 likeit des libs vnd des bluts christi/
 dz wir erlöset werden vom leitlichen
 tod/ Amen.

Die ander lection.

Und vmb das sölicher güte
vret flüßige gedechtnuß in vns
blibe/ hat er synen fronlichz
nam zu eyner spis/ vnd syn blüt zu
eynē tranck vnder gestalt des brots
vñ des wyns den gloibigen ze nye
ßen gelassen. **D**er löstlichen wirtz
schafft heilsam/ wunderbar vñ voll
aller süßikeit. Was ist wunderbarz
licher denn diß sacrament/ den dar
inn wirt brot vñ wyn in fleisch vñ
blüt christi wesenlich verwandelt.
Darumb christus gott vnd mēsch
volkomen/ vnder wenig brots ge
stalt begriffen wirt/ Also wirt er ge
nossen von dem gloibigen aber nit
zerrissen/ sunder mit teilung des sa
craments blibt er gantz vnder al
len stüecklynen der teilüg. **D**a sind
ouch die zufell on vnderwurff/ vmb
d̄z d̄ glaub. statt habe/ so das sichtz

barlich vnd das vnſichtbarlich ge-
noßen wirt/ vnder frömbder geſtalt
verborgen/ Vnd die ſynn vor be-
trügnuß bewart werden die da ver-
teilend von den zufellen die inen be-
kant ſind. Vñ du herr erbarm dich
über vns. Gott ſy gelobt. Das. ij.

Als ſy zenacht / *(reſpōſoriū.*

ſaßen nā ieſus das brot vnd
geſegnets/ vnd brachs/ vnd
gabs ſynē iungern vñ ſprach/ *Nes-*
mend vnd eßend/ das iſt myn lyb.

Der vers. Die man myns taber-
nackels ſprachēd/ wer gibt vō ſynē
fleisch dz wir geſettiget werdē. *Nes-*
mend vnd eßend das iſt myn lyb.

Segen. Heiß herr geſegnen.

Durch diß brot der engeln werdē
wir geführt in die rich der hymeln/

Die dritte lection. | *Amē.*

Eyn ſacramēt iſt ouch heilſa-

mer den/diss. In dē die sünd gerey-
niget/tugendē gemeret werde/vnd
das gemüt mit aller geistliche gna-
dē überflüßigkeit feist wirt. Es wirt
geopffert in d kirchē für die lebendē
vñ für die todte/dz es menglichem
nüzlich sy/dz da für aller heil vffge-
setzt ist. Dennoch die süßigkeit dis
sacramēts ist nyemā möglich vßze
kündē/durch das die geistliche süßi-
keit in irem versprung gekustet vnd
bedacht wirt die gedechnuß der al-
ler überswencklichsten liebe die chri-
stus in synē lyden erzoigt hat. Vnd
vmb dz diser liebe vnmesslicheit den
herzē der gloibigen vestiglicher in-
haffte/am lestē nachtmal/da noch
volbringung der ostern mit synen
iüngern er hinscheidē wolt vß diser
welt zu dem vatter/hat er das sa-
cramēt vffgesetzt/als cyn ewige ge-

dechnuß sins lydens / Der alten figu-
 ren volendung / siner wunderwerckē
 von im beschēhē das allergrōst vñ
 der betrüpten vō syner hynfart zu
 sunderlicher ergezūg. Darumb so
 gezympt das der andacht d̄ gloi-
 bigen / hochzierlich ze began die vff-
 setzung solichs heilsamē vnd wun-
 derbaren sacraments. Vmb dz wir
 die vnūßsprechlichen wyse d̄ gottli-
 chen gegenwurtikeit in dē sichtbare
 sacramēt erend / vñ wir lobēd gotts
 mechtikeit die in dē selben sacramēt
 souil wunder wurckt. Darzu dz vō
 solicher heilsamen vnd süßen gabe
 gott erbotten werdē zymlich danck-
 sagung. Vnd du herr erbarm dich
 über vns. Gott sy gelept. Das. iij.

Iesus nā dē kelch (respōsorū.
 nach dē er ze nacht gessen hat
 vñ sprach / Diser kelch ist das nūw
 b

testamēt in mynē blūt. Das thūt
in myner gedechtnuß. Der vers.
In gedechtnuß wird ich angedenck
sin vnd wirt in mir krafftlos myn
sele. Das thund in myner gedechte
nuß. Gloria dēvatter vñ dēsunvñ
dē heiligen geist. In myner gedechte
nuß. Das Te deū laudamus.

DIch gott lobē wir/dich herr
veriechen wir. Dich ewigen
vatter eret alles ertrich. Dir
alle engel/dir die hymel vnd alle
gewaltsamkeit. Dir cherubin vñ se
raphin/mit vnableflicher stymmt
zuschreibend. Heilig/ Heilig/ Hei
lig. Der herr gott der scharē. Voll
sind hymel vnd erde der maiestat
dyner glorie. Dich der hochwirdig
chor der aposteln. Dich der prophe
tē löbliche zal. Dich lopt der mar
tyrer wißglantzende schar. Dich

Durch den umbkreiß der erden ver-
 gicht die heilige kirch. Den vatter
 der vnmeslichen maiestat. Den
 hochwirdigē dynē warē vñ eynigē
 sun. Vñ dē heiligē tröstendē geist.
Du künig d' erē christe. Du bist des
 vatters ewiger sun. Du zu erlösen
 durch annemē dē menschē hast nit
 geschücht der iūgfrowen lyb. Du
 nach überwyndūg des tods angel/
 hast vff gethan dē gloubigē die rich
 d' hymeln. Du zu d' gerechtē hand
 gottes sitzest in glorye des vatters.
Eyn richter wirstu gegloupt künff-
 tig sin. Darumbe bitten wir dich/
 dynen dienern kum ze hilff/die du
 mit dinē kostlichen blüt erlöst hast.
Mitt ewiger glorye mach sy mit di-
 nē heiligē kelōt werdē. Selig mach
 dyn volck herr/vñ gesegē dynē erb-
 teil. Vñ regier sy vñ erheb sy vff bis

in ewikeit. Durch yeglich tag wol
sprechē wir dich/ Vnd lobend dynē
namen in welt vñ in welt der welt.
Geruch dis tags herr vns on sünd
zekehürē. Erbarm dich vnser herr/
erbarm dich vnser. Vff vns künne
herr din barmherzikeit nach dē vñ
wir hand gehoffet in dich. In dich
herr hab ich gehoffet/ ich werd nit ge
schendt ewiglich. Versickel. Myn
fleisch warlich ist die spis/ Vñ myn
blüt warlich ist das tranck.

Die Laudes.

Gott in myn hilff hab vffser
Geben. Herr yl mir zehelffen.
Gloria dē vatter vñ dē sun
vñ dē heiligen geist. Als er was im
anfang vñ nu vñ allzitt vñ in welt
der weire/ Amē/ Alleluia. Antiffen.

Gedechtig sy. **Der psalm.**
D Er herr erhöre dich in dem

tag d̄ betrlipnus/ d̄ nā gotts iacob
 beschyrme dich. **E**r sende dir hilf
 vō heiligē/ vñ vō syō beware dich.
Er sye gedechtig alles dins oppfers/
 vñ din brynnēd oppfer werde sc̄is.
Er gebe dir nach dynē hertzē vñ be
 sterige allen dinē rat. **W**ir werden
 vns frowē in dinē heil/ vñ in dē na
 men vnser̄s gotts werdē wir groß.
Der herr erfülle alle din hoischun
 gē nun hab ich bekāt das d̄ herr hat
 behaltē synen gekrismeten. **E**r wirt
 in erhören von synē heiligē hymel
 in mechtikeiten/ das heil syner rech
 ten hand. **D**ie in wegen vñ die in
 den pferden/ aber wir in dem namē
 vnser̄s gotts werdē anruffen. **S**y
 sind gebunden vñ sind gefallē/ aber
 wir sind vffgestandē vñ sind vffge
 richt. **H**err mach behaltē dē künig/
 vñ erhör vns in dē tag so wir dich

werden antiffen. Gloria dem vater

ter zc. Die antiffen.

Gleichig sye der herr vnsers
opffers vnd vnser brinnend opffer
werde feiß. Das Capitel.

Als manigmal w dis brot es/
send vñ dē kelch des herrē trin-
cken werdē/so werdē ir den todt des
herren verkündē bis das er kômpt.
Gott sy danck. Der ymps.

Ave lebēde hostia/die warheit
vñ das leben/in d alle opffer
da/vollēdt sind hyngegebē/
durch dich dē vatter wirt geseit/lob
vnd ere on ende/durch dich stat die
christēheit/bewart in dē ellende. Ave
was d milrkeit/schryn d süßē gna-
den/in dir sind die lustlikeit/hymel-
scher süßē wabē/da ist gātz warlich
gotts substanz/vnsers seligmach-
ers. sacrament d guadē gantz/liebe

spis des behalters. Gloria sy dir
 herre gut/ d vns spiseft teglich/ mit
 dym lyb vnd heiligen blit/ miltre
 künig mach leblich/ mit de vatter vñ
 de geist/ richsneft vnüberwintlich/
 mach vns lobē aller meist/ dich nu
 vñ ewiglich/ Amē. // **Der versickel.**

Das brot das ich gebewird ist mir
 fleisch/ Vmb d welt lebē. // **Sie an**

Griffe. Ich bin das lebēdig brot
 // **Esegnet // Das Benedict.**

sy d herr gott israhels/ dz er beschen
 vnd gemacht hat die erlösung sins
 volcks. Vñ vffgericht hat vns das
 horn des heils/ in de hus dauid sins
 kynds. Als er geredt hat durch de
 munde d heiligē/ die vō anfang der
 welt sind syner prophetē. Heil vß
 vnsern fyendē/ vñ vō d hand aller
 der die vns gehasset hand. **Setz**
 barmhertzigkeit mit vnsern vettern

vnd gedenccken syns heiligen testamēts. Der eyd dē er gesworn hat zu abraam vnserm vatter sich vns ze geben. D̄z wir on forcht vō der hand vnserer fyenden gelediget im dienend. In heilikeit vnd gerechtikeit vor im/alle vnser tag. Vnd du linder wirst cyn prophet des oberstē genempt/denn du wurdest vorgan vor dē anlit des herren zebereiten syn weg. Ze geben wissenheit des heils synē volck/zu ablasūg ir sunden. Durch die glider d̄ barmhertzekeit vnser gotts/in denē er vns besehen hat v̄s geschinē v̄s der hōhe. Er lūcht denē die in finsternußē vñ myschatten des tods sitzend zewyssen vnser füß in dē weg des frīdes. Gloria dē vatter vnd dem sun zc.

Ials vor. **Die antiffen.**
Ich bin das lebendig brot der

von dem Hymel abher kōmen bin/
 ob yemand nūßet von dē brot der
 wirt lebē ewiglich/ alleluia. Herr er
 hōr myn gebett. Vñ myn geschrey
 kōme zu dir. Drem^o. Die Collect.

Gott der vns vnder dē wunns
 derbarlichē sacrament/ dyns
 lydens gedechtnuß gelassen
 hast/ wir bitten/ verlich vns also
 dins lybs vnd blūts heiligen ver-
 sorgenheitē ze erē. dz wir die frucht
 dyner erlösung in vns ewiglich bes-
 fyndend/ Der da lept vnd richs
 nest mit gott dē vatter in eynikeit
 des heiligen geists gott durch alle
 welt der welten/ Amen. Herr er
 hōr myn gebett zc. als vor. Gott dē
 herrē sy lob. Gott sy danck.

¶ Zu der Prim hept an als davor.

Gott hab vffsehē in myn hilff
 zc. Gloria patri zc. Alleluia.

Der ympe.

A De heiligs Hymel Brot/was
er den vor zittē/ wegspis vn
ser bilgernot/ ellend tödlich
cher lüten/ verborgne selge artzny/
für geistlich krank plagen/ christens
lichem leben frey/ gift vntödlich gas
ben. Ave gotts fronlichnam zart/
entliche begabung/ da gotz wort wa
rer mensch ward/ der schatz der selē
labung/ den er ließ zu gerechtmuß/
vnsweisen ze lere/ da er syner wun
der bsluß/ dē lieben gab er ze ergerze.
Gloria sy dir herre gut/ der vns spi
sest teglich/ mitt dym lyb vnd heiligs
gen blut/ miltzer künig mach leblich/
mit dem vatter vnd dē geist/ richst
nest vnüberwintlich mach vns los
ben aller meist/ dich nu vnd ewig
lich/ Amen.

Item den vers/ Gloria sy dir herre

güt zc. sol mā sprechē vff allenach/
uolgende ymps. ¶ Antiffen. Uns
wirt bereit. ¶ Der psalm.

Der Herr regiert mich vñ mir
wirt nüt gebresten/an d' statt
der weide da hat er mich hin
gesetzt. Vff dē wasser der spising
hat er mich gefüret/myn sel hat er
bekert. Er hat mich hingefuert vff
die pfad der gerechtikeit/ vmb syns
namens willen. Wann vnd ob ich
wandlen würd enmittē des schatz
ten des tods wurd ich übele ding nüt
fürchten/wan du by mir bist. Dyn
rüt vnd dyn stab/sy hand mich ge
tröst. Du hast bereit in myner
angesycht cyn tisch/wider die die
mich festigen. Du hast feiß ge
macht im oel myn houpt/vñ myn
kelch der da trunckē macht wie klar
ist er. Vnd dyn erbernde wirt mir

nachfolgen alle tag myns lebens.
Vñ vmb dz ich ynwone in dē hus
des herrē/in lenge der tagē. Gloria
dē vatter zc. Antiffē. Vns wirt be
reit der tisch des herrē wider alle die
vns vmbtribend. // Das Capitel.

Dem überwinder wird ich gebē
verborgē hymelbrot das nye
man weiß den ders nympt. Gott

Asy gelopt. // Das responsoriū.
Christe iesu gotts sun/erbarm
dich über vns. Vers. Der vns mit
dynē fleisch vnd blüt spiseft. Er
barm dich über vns. Gloria dē vat
ter vnd dē sun vnd dē heiligē geist.
Christe iesu gottes sun erbarm dich
über vns. Versickel. Er hat gesetzt
dyne end fryden. Vñ mit feise des
korns settiget er dich. Fyrieison/
Christeison/ Fyrieisō. Pater nos
ter. Aue maria. Vñ nit für vns in

Bekorüg / Sunder lös vns vor übel.
 Vers. Das wort ist fleisch wordē /
 Vnd hat in vns gewont. Credo.
 Ich gloub in gott zc. Vrstēdy des
 lybs / Vnd ewig leben amen. Myn
 fleisch ist warlich ein spis / Vñ myn
 blüt ist warlich ein tranck. Herr er
 hör myn gebett / Vñ myn geschrey

W Come zu dir. // Collect.
 Ir bittē dich herr gedenc dy
 ner erbarmde / vnd mach heil
 lig dyne diener mit ewiger beschir
 mung durch der a willē vnser herr
 iesus christus dyn sun / durch sy
 nē lyb vnd blüt vns vffgesetzt hat
 osterliche artzenye hie vñ in ewikeit /
 der mitt dir lept vnd richsnet in ewi
 keit / Amē. // In Tertz zitt hept an

A als vor. // Der ymps.
 De aller fröiden vol / der seli
 keit lebē / armer trost in disem

sol/den ellenden geben/höchste fry-
heit in dir zitt/denē die da wand-
lend/diſ opffer belonug git/ froid
des hymels landen. **Aue** aller ster-
cke krafft/ Kewarung aller schaden/
thurn vñ veste wer bechafft/d wys-
losen staden/nit laß der syend fraß-
heit/vns icht überwindē/das d boß-
heit wütsamkeit / blyb durch dich
dahynden. **Gloria sy** dir herre gut-
zē. als vor. **Antiffen.** Mitt der
engel spis. **Der psalm.**

Wid er gebott dē wölcken vō
vobnen/vnd tset vff die thür-
ren des hymels. Vñ er reg-
net inen hymelbrot ze essen/vñ das
brot des hymels gab er inen. Das
brot der engeln aß der mensch/er
sandt inen spis gnugsamlich. **Er**
hub vff den mittaglichen wind vō
dem hymel/vnd firt in inn syner

krafft den affrick wynd. Vñ er rego-
 net über sy als das gestüpp fleisch/
 vnd als das sand des mers gefy-
 derte vogel. Vnd sy fielen enmitten
 vnder ir her/vmb ire gezelt. Vnd sy
 aßend vñ wurden ser gesettiget/vñ
 ir begerung bracht er inen/sy synd
 nit betrogen von ir begird. Gloria
 dem vatter vnd dem sun vnd dem
 heiligē geist/Als er was im anfang
 vnd yetz zc. ¶ Antiffen.

Mitt der engelspis hastu gespis
 in set dyn volck/vnd brot von
 dem hymel hastu inen geben/ alles
 luia. ¶ Das Capitel.

Das ist myn lyb der für üch
 hynggeben wirt/diser kelch ist
 der nüwē ee in mynem blit
 d für üch vergossē wirt/das thund
 als dick irs nüshed in myn gedech-
 nuss. Gott sy gelopt. Responsorium.

Als brot der engelen hat der
mensch genosē. **Vers.** Spis
hat er inē gesandt in überflüßigkeit/
Hat der mensch genossen. **Gloria**
Dem vatter vnd dē sun vnd dē heil-
ligē geist. **Das brot der engelē hat**
der mēsch genosē. **Versickel.** Brot
vō hymel hastu inen verlyhē herr/
Das alle lüstiket in im hat. Herr
erhor myn gebett/ **Vñ myn geriff**
kome zu dir. **Brem?** **Wir solle bittē.**

Ott der dyn kir. **Collect.**
Ghen mit verborgenheit des
köstlichen fronlichnams vñ
des blüts vnser̄s herren iesu christi
bewarest vnd beschirmest/ wir bit-
ten dich verlich vns das wir in des
glyder des hochwürdigkeitē wir erend
gezelt werden mögen/ **Der mit dir**
lept vñ richsnet in eynikeit des heili-
gē geists warer gott durch alle welt

Dwelten/Amē. **E** Herr erhör myn
 gebett/ Vñ myn geschrey kōme zu
 dir. Laßend vns dem herren lob sa
 gen. Gott sy danck. Alle gloibigē se
 len durch gotts barmhertzikeit mir
 send rüwen in fryden/ Amen.

In der seyt zitt hept an als da vor
 biß vff das alleluia. Dar nach der

H Te ist in der war/ **L** ymps.

H heit gantz/ iesus zwo natu
 ren/ vngereilt die war sub
 stantz/ nit alleyn figurē/ der war lyb
 marie sun/ menschlich sel vnd gott
 heit/ vnder disem ißfern schyn/ be
 deckt des glouben warheit. In dem
 hymel sichtbarlich/ christs fronlich
 nam sitzet/ dē vatter im wesē gleich/
 hie verborgen witzet/ er alleyn wie
 das mag syn/ weis d̄ sölich̄s schaf
 fet/ snell vß brot fleisch blüt vß wyn/
 gotts macht vñ wort der pfaßheit.

Gloria sy dir herre güt zc. als vor.
Antiffen. Der herr hatt vns ges
spiser. **Der psalm.**

Hör myn volck/ vnd ich wird
dich bezüggē israël ob du mich
hörest/ in dir wirt nit sin eyn nürwer
gott/ noch keyn frombden gott wirt
dest du anbetten. Wann ich bin gott
dyn herre d' dich vßgefueert hab vñ
egyptē land/ wüster dynē müde vñ
ich wird in füllen. Vnd myn volck
hat myn stymm nit gehört/ vñ isra
hēl marckt nit vff mich. Vñ ich hab
sy gelassen nach den begirdē irs her
zen/ sy werden gan in iren nürwün
den. Ob mich myn volck gehört het
te/ were israhel gangen in mynē we
gen. Villicht hette ich ire fyend ge
demütiget/ vnd über die die sy festi
gend hette ich myn hand gelassen.
Die fyend des herrē haben im ges

logen/vnd ir zitt wirt in die welten.
 Vnd er hat sy gespiset vß der feiße
 Des korns/vnd von dem felsen hat
 er sy mit honig gesetztiget. **Gloria**
 Dem vatter vñ dem sun vnd dem
 Heiligen geist zc. **Antiffen.**

Der herr hat vns gespiset vß
 feiße des korns/vñ vð dem felsen
 mit honig hatt er vns gesetztiget.

Welcher nü **Das Capitel.**
 wisset diß brot vnd den kelch des
 herrē trincket vnwirdich der wirt
 schuldig des libs vñ des bluts des
 herrē. **Gott sy gelopt. Responsoriu.**

Brot vom hymel hast inen ver
 lichen herr. **Vers.** Alle lustlikeit
 in im habend. **Brot vom hymel**
hast inen verlichen herr. Gloria dē
vatter vnd dem sun vnd dem heis
ligen geist. Brot vom hymel hast
inen verlichen herr.

Der versickel. **M**yn fleisch ist war-
lich eyn spis / **V**n myn blut ist war-
lich eyn tranck. **E** Herr erhör myn
gebett / **V**n min geschrey kōme zu

B **I**s vns gne **Dir. Collecte.**
Bidig allmechtigervatter / bittē
wir durch dins eyngelornē
suns fronlichnā vnd blut / vñ straff
vns nit nach vnserm verdienē / sun-
der beker vns gnediglich durch dyn
gütikeit zu gutem / durch den selbē
vnsern herren iesum christum dinē
sun / der mitt dir lept vñ richsnet in
eynikeit gotts des heiligen geists
gott durch alle welt d weltē / **A**mē.
E Herr erhör myn gebett zē. **W**ir
sollen d herren lob sagen. **G**ott sy
danck. **V**n alle gloibigen selē durch
gotts erbernde müssen rüwē in fry-
den / **A**men.

E **Z**u der Non zitt hept an als da

vor. **C**Herr in min hilff zc. Gloria
de vatter zc. Alleluia. Der ymps.

Gnosse blibt vnuerzert/Chri
stus gotts fronlichnam / er
gantz selbs genomēwirt/all
stund suess vñ mynnsam / die brots
form wirt also gteilt/mit hand vñ
munds inschiebē / krafft des libs die
selē heilt / mitt ambis d liebe. **S**öli
cher verserung wis / lidt iesus keyn
smertze / form des brots verzert der
biss / warlich by dem hertzen / ob ich
den den herren such / sitz er in hy
mels throne / als er wil mich des nit
ruch / verswynt des lebēs lone. Glo
ria sy dir herre gut zc. als vor.

CDie antiffen. **P**s dynem altar.

Wielieb sind **A** Der psalm.
Wyn gezelt herr der tugen
den / myn sel begert vñ gebrist / in die
vorhöff des herren. Wyn hertz vñ

myn fleisch habē sich erbügt/ in dē
lebendigē gott. **W**añ der spar hat
im eyn huf funden/ vnd die turtur/
tub ir eyn nest da sy ir iungen hyn
ferze. **D**yn altar herr der tugendē.
myn künig vnd myn gott. **S**elig
sind die da wonend herr in dynem
hus/ in welt d̄ weltē werden sy dich
loken. **G**loria dem vatter vnd dē
sun vñ dē heligē geist zc.

Antiffen.
Wß dynē altar herr nyessen wir
v̄ christum in dem vnser hertz
vñ vnser fleisch sich erfrowēd.

Das Capitel.

Eynen sölichē bischoff habē wir/
der da bysitet zu der rechte sützen d̄
maiestat in den höhynen der heilī-
gen vnd des gezells des warē das
gott gemacht hat vnd nit d̄ mēsch.
Gott sy gelopt.

Das responsorium.

In yn fleisch warlich ist eyn spis.
Vers. Vñ myn blüt warlich
 ist das tranck. Warlich ist ein spis.
 Gloria dē vatter vnd dē sun vñ dē
 heiligen geist. Myn fleisch warlich
 ist eyn spis. Versickel. Das brot
 das ich gebē wurd ist myn lib. Vmb
 der welt leben. **Herr** erhör myn
 gebett/ Vnd myn geschrey kōme zu
 dir. **Die Collect.**

Herr iesu christe des lebenden
 gotts sun d̄ vmb vnsern wil
 len am crütz gestorbē bist/vñ mit dē
 süßen vffbruch diner heilige sūre dē
 schatz vnser erlösig vergosse hast/
 durch ere willen dins heiligen na
 mens/gib vns in dem selben heil
 ligen blüt vnser hoffnung setzen
 vnd vō syner nyckung allzitt vff
 grünen/ der da lepst vnd richsneft
 mit gott dem vatter in eynikeit des

heiligen geists gott durch alle welt
d welten Amē. **E** Herr erhör myn
gebett/ **V**nd zc. **W**ir sollen lob sage
dem herren. **G**ott sy gedanckt. **V**n
alle glöbigen selen zc.

En vesper zitt hept an als vor.

Gott in min hilff. Alleluia. **D**ie
g antiffe. Als die nürwē schössly.

Elig sind al. **D**er psalm.

Ale die den herren fürchtē die
in synen wegē gand. **A**rbeit
diner hendē dz du die wirst essen/ se
lig bistu vn wol wirt dir syn. **S**yn
gemahel als die volkōmne reb in
den wenden dins huss. **S**yne sün
als die nürwē schössly der ölbaum/
in dē vmbgang dins tischs. **T**ym
war also wirt der mensch gesegnet/
der den herren fürcht. **D**ir gesegne
der herr vß syon/ vnd schiÿt die gūz
ten ding hierusalem all tag dins les

bens. Vñ sehist die sün dynet sün/
fryd über israel. Gloria dem vatter
vnd dem sun zc. ¶ Antiffen.

Als die nürwen schössly der öl/
Boum der kirchen süne synd im vñ
kreiß des tischs des herrē.

Unserr herr ic. ¶ **Das Capitel**
Vñ sus christus in der nacht da
er hyngengebē ward nā das brot vñ
danckjagende brach er vnd sprach/
nemend vñ essend das ist myn lyb
der vmb üch hyngeben wirt/ das
thund in myn gedechtnuß. Gott sy

Wgelopt. ¶ **Responsorium.**
¶ **W**er da nüset myn fleisch vñ
trincke min blüt/der blipt in mir vñ
ich in im. **Vers.** Key andere geburt
ist so groß die da hab die gött inen
nabend als vnser gott vns by ist.
Der blipt in mir vñ ich in im. **Glo-**
ria dem vatter vnd dem sun vnd

Dem heiligē geist. **D**er blybe in mir
vnd ich in im. **¶** **D**er ympe.

Mitt sölicher liebe fñür/kunt
herr mach vns kymmen/
vñ mit diner liebe stür/brich
zorn von red vnd synnen/mit dy-
ner süßen gnaden spis/die vns giff
zu nyessen/sterck vñ mach vns mit
vnd wys/in dich gantz versliesen.
Das ist lieber fründen art/zesamē
sich belangen/dz ir hertzē. heymlich
wart/in eynander gangen/also will
der fründlich herr/künig der eren kō-
nē/syner gloibigē glider/durch spis
selbs inwonen. **J**esus ware hostia/
suen vns der maiestat/sacrament-
lich gratia/heil vns in sorgen stat/
du der armē richer schatz/gib vns
din ewickheit/mit dyner gedechtnuß
gsatzt/spis vns mit lieplikeit. **L**er
vns lassen üppikeit/tröster der bes-

rüptē//für der syend lystikeit/sterck
 vns vngēipten/iesu vnser beschir-
 mer/gib vns warē glouben/durch
 dich selbs widergelter/gsicht von
 oug zu ougen. Gloria sy dir herre
 güt zc. als vor. **Versickel.** Brot vō
 hymel hast men verlibē herr. Das
 in im hat alle lustlikeit. **Antiffen.**

D heilige wirtschafft. **Das Ma-**
M yn sel großmacht **Ignificat**
n dē herrē. Vñ min geist ist vff
 gesprūgē in gott minē heil.

Wan er hat angesehē die demüti-
 keit syner dienerin/nym war denn
 hievō werdē mich selig sagē alle ge-
 slecht. **W**an er hat mir große ding
 gethā d̄ da mechtig ist/vñ heilig ist
 syn nā. **Vñ** syn barmhertzikeit/vō
 geslecht in die geslecht denen die in
 fürchtēd. **E**r hat gemacht mechti-
 keit in sinē arm/er hat zestrōwt die

hochfertigen im gemuet irs hertzen.
Er hat abgesetzt die gewaltigen
vom stül/ vnd hat erhöcht die der
mütigen. **D**ie hungerigen hatt er
gesettiget güter dingē/ vñ die richē
hat er gelassen öd. **E**r hat vffgenos
men israël syn kynd / angedechtig
syner barmhertzikeit. **A**ls er geredt
hat zu vnsern vettern/ abraã vñ sy
nem samē in die welten. **G**loria dē
vatter vnd dem sun vnd dem heis
ligen geist. **A**ls er was im anfang
vnd nu vnd allzitt vñ in welte der
Welten amen. **A**ntiffen.
Heilige wirtschafft in dera
christ^o genoskē syns lydens gedechts
nuß begangen / das gemüt mit
gnad gesettiget vnd der künfftigen
glorie pband vns geben wurt alles
luia. **H**err erhör min gebett. **V**ñ
myn geschrey etc. **D**ie Collect.

Der iesu chrisste der am leste
 nachmal dynē iungern die
 heiligen verborgenheit dins
 libs vnd bluts zebegan geben hast/
 wir bitten dich/ gib vns mit disen
 dynen heiligen gaben vns allzeit
 also teilhafftig werden/ das wir dir
 ewicklich gefallē mögē/ der da leyt
 vnd richsniet mit gott dē vatter zc.
Herr erhör myn gebet/ **V**n myn
 geschrey kōme zu dir. **W**ir sollē lob
 sagen dem herren. **G**ott sy danck
 geseit. **V**nd alle gloibigen selen zc.
In der Cōplet zitt heyt also an.
Beker vns gott vnser heil/ **V**nd
 wend dynen zorn vō vns. **G**ott in
 myn hilff zc. als vor. **D**ie antiffē
Von frucht. **D**er psalm.
Beiligend das leblich opffer
 der gerechtikeit/ vnd hoffend
 in dē herrē/ vil sprechend wer zoigt

vns güte ding. Gezeichnet ist über
vns das liecht diner angesicht/herr
du hast geben fröid in mynē hertzē.
Vō der frucht des korns des wyns
vnd sins öls/sind sy vil worden. In
frydē in dasselb/werd ich slaffē vñ
rūwen. Wan du herr sunderlich in
hoffnung hast mich gesetzt. Gloria
dē vatter vñ dē sun zc. **Antiffen.**

Von frucht des korns vnd des
wyns genylet die gloibigē rñz
wēd in dē frydē christi. **Der ymps.**

Iesu süßer herre myn/spis
vñ trost alls heiles/der sich
vns so gnedig syn/erzoigt
vñ mitteilest/vnser übel wend vns
ab/durch sueßer liebe trehen/vnser
hertz in dich vergrab/din lust sy by
vns wese. **Dē die da cōsectierend/
kusch vnd milt dis oppfer/vnd den
waren gloibigē/sig ir spis der schön**

pffer/die das nüßent mit andacht/
 losung vñ ergerung/vnglouß vñ
 d das versmacht/sy es ewig lezüg.
 Lob in hohem iibel schall/dem ey-
 nen vnd dryen/tugend er krafft in
 sym sal/dē gnad geber syen/durch
 des gnad geopffert wirt/in der chri-
 sten kirchen/iesus den maria gbirr/
 applaß vnser sünden. Fürer me dē
 obersten / sollen wir lob sagen/ der
 die geburt sins hertzen/gitt so liep-
 lich haben/ den wir teglich nyessend
 fry/solln wir hertzlich lieben/vnser
 leben also sy / das wir by im bly-
 ben/Amen.

Das Capitel.

Eyn brot vnd eyn lyß vil sind
 wir alle die von eynē brot vnd
 vō eynē kelch teilhaffrig werdē. Got
 sy gelopt. **Versickel.** Er hatt gese-
 zt dyne end frydē/ Vnd mit feiße

Des korns settiget er dich. ¶ Antif-
fen. ¶ Wie suess ist. ¶ Das Nunck dis

Du lastu herr dynē)mittis.
Knecht/nach dynem wort in
fryden. Wann myn ougen
hand gesehen din heil. Das du be-
reit hast vor angesicht aller völk-
er/ Das liecht zu erlichung der völk-
er/ vnd ere dins volcks israel. Glo-
ria dem vatter vnd dem sun vnd
dem heiligen geist. Als er was im

O anfang zc. ¶ Die antiffen.
Wie suess ist herr dyn geist vñ
vmb dz du din suessikeit in die sün
erzoigtest/ mit dem aller suessisten
brot vom hymel geben die hunge-
rigen settigest des gütten vnd die
smehen richē lahest öde. ¶ Kyrielei-
son/ Christeleison/ Kyrieleison. Pa-
ter noster. Ave maria zc. ganz.
Vñ nit für vns in beforūg/ Sun/

der löß vns vor allem übel/Amen.
 Das wort ist fleisch worden/vnd
 hat in vns gewonet. Credo zc. Ich
 gloub in gott zc. Verstendy des libs
 vnd ewig leben/Ame. **A**un fleisch
 ist warlich eyn spis/vñ myn blüt ist
 warlich eyn träck. Herr erhör myn
 gebet/Vnd myn geschrey komme
 zu dir. **Die Collecte.**

Gort des eyngelbörner sun vmb
 vnser willen biß in den tod ge
 horsam worden ist/verlich vns gnes
 dicklich durch syns libs vnd blüts
 beymlicheit/dz wir in krafft der selz
 ben gehorsamy/dynen gebortē also
 lernend gehorsam syn dz wir das
 ewig rich verdienend/durch dē selz
 ben vnsern herrē iesum christum dis
 nensun/der mit dir lept vnd richs
 net in eynikeit des heiligen geists
 gott durch all welt & weltē/Ame.

Herr erhöere myn gebett/vnd myn
geschrey kome zu dir. Wir söllend
lob sagen dem herren. Gott sy ges
danckt. Alle glöibigen selen durch
gotts barmhertzigkeit müßind rü
wen in fryden/Amen.

Der ymps **P**ange lingua/so mā
zur vesper zitt singt vom heiligen
sacrament gleich mit wortenvñ mit
der melodig.

In sing zung des hochwirs
digen/gotts fronlichnams
heymlicheit / vnd sins edlen
bläts köstlichen/der welt bezalung
boßheit/die frucht des iungfrowlic
hen libs/der welt künig hat vßge
spreit. Vns gegebē vns geborē/vō
der vnberürren magt/in der welt
ist vßerlorē/hat das gottlich wort
gesagt/die mitblybung syner wo
nung / wunderlichē schick bedagt.

An dem tisch des leste nachtmals/
 da er by den brüderu saß / die ge-
 setz er begieng des grals / des läbs
 als gebortē was / dē zwölff iüngern
 mit syn henden / sich selbs gab er ir
 zu mas. **D**as wort gotts fleisch
 Das warlich brot / machet da fleisch
 mit dē wort / vñ vñ wyn wirt blit
 so schön rot / ob empfyndung nit be-
 hort / Das luter hertz zu vester not / al-
 leyn d̄ gloub gnüg embort. **H**erüb
 Dis heilig sacrament / erend ser des
 mütiglich / der altē ewys enberend /
 haltend dis nuw andechlich / der
 vest gloub sy vns bewerend / den sy-
 nen er gnad verlich. **D**em geberer
 vnd dē gebornen / syg lob vnd suess
 inlfleit / heil / er / tugend vserkornē /
 vñ gesegnung schon bereit / ir beider
 geist nach als vornē / syg allzit gleich
 wirdikeit / Amen. **D**er ymps.

Veni creator spiritus. Vom heiligen geist.

K Um schöpffer gott heiliger geist/gemüt der dynē heymbeleist/mit gnad vō hymel überlast/die brüst so du geschaffen hast. Du der eyn tröster bist genant/die gab vom höchsten gott gesant/der lebend brunn liebe das s̄hür/die geistlich salbung ser gehür. Du bist die sibēformig gnad/der rechten hand gotz synger trad/des vatters glüpt von hymelrich/die kelen machest reden rich. Tünd vns das liecht der synnē an/ingüß liebe den hertzen wan/vnsers libs swerē bloidikeit/mit tugendē sterck zu ewikeit. Den syndt vertrib vō vns ferr/vnd gib vns dynen frydē Herr/das wir durch vorbeleitung du/allß schadē s mögēd einig syn.

Durch dich gib vns dē vatter küt/
 den sun bekennen alle stund/vnd
 dich ir beider waren geist/dz wir die
 gloubend allermeyst. **L**ob sy dem
 vatter mit dē sun/dem heiligē trō
 ster im cōmun/dz vns der sun gotz
 schick die gab/des heiligē geists vō
 hymel ab/**A**men.

In dem namen der heilī-
gē vnteilsamē trisaltikeit
dē die heilige christliche
kirch stets lopt in allen stunden mit
dem gesang des Gloria patri vff
all psalmen/ vnd leyn großer lob
mag erdichtet werden/ Vnd aber
leider mēschliche blödsikeit sölich lob
gemeynlich verachtet/ vnd durch
vil vñ manigfaltige übung dessel-
bē lobes vdrüzig vñ entzogen wirt/
vñ wenig vermerckung der wortē
vñ des grunds sölichs hohen lobes
beschicht. Söliche schadē vnd hün-
leßiger tragheit hilff ze thunde/ got
dē herrē ze lob vnd dē menschen ze
nutz/ ist diß nachgesetzte teilüg vñ
vermanüg gesetzt/ da mit yeglichs
tags durch die woche/ vñ yeglicher
personē ir ere vñ würdikeit nutzlich
vnd lieplich angesehen/ betrachtet/

geeret vnd gott mit tieffer andacht
 bezalt werde/ so das gloria patri ge
 sungē oder gehört wirt/ sunder zwis
 fels zu großem lob vnd gefallen
 der heiligen trisaltikeit/ vnd zu vns
 mesigem nutz der andechtigen die
 sich dar inn flißiglich ühend in and
 acht.

Gloria dem vatter vnd dem sun
 vnd dem heiligen geist/ Als er was
 im anfang vñ yetz vnd allzeit vñ
 in welt der welten/ Amen.

Die vorberichtung vnd die
 Summ des ganzen nachge
 schribnen lobs.

Gloria patri/ dē vatter vō
 wegen der gaben der nas
 tur vnd der geschöpffe im
 zugezellt von mechtikeit wegē der
 maiestat/ als hernach in den artis
 cken der geschöpffe begriffen wirt.

d. iiii

Et filio/vnd dem sun von wegen der gaben der firtreffenlichen erlösung im zugezellt vō der wißheit vnd siner menschlichen natur vsteilung wegen / als hernach in den articklen der menschlichen erlösung begriffen wirt.

Et spirituisancto/vnd dem heiligen geist von wege der gaben der gnade vnd der widerrechtmachung im zugezellt vō wegen der milten gutikeit/als hernach die selben gnaden vnd gaben begriffen sind.

Am Montag.

Gloria patri dēvatter Wir sollen gott dē vatter danck sagen vñ danckbar sin vō wegen der ewigen firsichung vnd hochwürdigen geschöpfft/von diser vsach wegen. **I**tem erstē/ das er din von ewikeit gedacht vnd sorg

samlich fürsehē hat. ¶ **Z**em andern
 dz er dir das wesen/ das leben vnd
 synn inn zitt verlyhen hat. ¶ **Z**em
 dritten/ dz er dich so eyn edle crea-
 tur eynen vernünfftigen menschen
 geschaffen hat.

¶ **U**nd de sun biß danckbar vmb
 die ding so vor siner geburt vnd
 vor ingang in dise welt beschehen
 sind. ¶ **N**emlich vnd zem ersten/ dz
 er von ewikeit hat angesehen hat
 vmb dinē willen mensch zewerdē.

¶ **Z**em andern mal/ dz er so vil
 durch figurē vñ wissagungē allzit
 gehā vñ bewist hat. ¶ **Z**em drits-
 ten mal/ dz er in volkomenheit der
 zitt komē ist vnd din natur an sich
 genommen hat.

¶ **U**nd de heiligen geist biß danck-
 bar vmb die sunderlichen gnade der
 berüffung vñ der gerechtmachüg!

Memlich dz er dich an stettē vnd
zu ziten der vßgekündten gnaden
hat geschafft geboren werdē. **D**em
andern mal/ dz er dich zu der gnad
des Christenlichen gloubens berufft
hat. **D**em dritten/ dz er dich nach
süntlicher irrung hat gelassen blibe
vnd gnad des rüwens vnd der be
kerung verlihen hat.

Am Zinstag.

Gloria patri/ dē vatter bis
danckbar vō dins libs wol
geschicklichkeit wegē. **D**em
ersten/ dz er dir geben hat der syn/
nen vñ glider geschicklichkeit. **D**em
andern/ dz er dir geben hat lebliche
complexion vñ gesuntheit. **D**em
dritten/ dz er dir geben hat eyn ader
liche mannliche oder wipliche vnder
scheidung.

Vnd dem sun bis dackbar vmb

sin geburt vnd vmb den wandel si-
 ner kintlichen tagen. ¶ Dem ersten/
 dz er so williclich geboren/not vnd
 effend der kintliche zitt gelittē hat.
 ¶ Dem andern mal/dz er sich dem
 gesetz vnderthenig gemacht hat/vñ
 nach siner zit zu volkommenem alter
 vffgewachsen ist. ¶ Dem dritte/dz
 er so lange zit verborgē bliben/dar
 nach vmb dinē willen getoufft ist.
 ¶ Vnd dē heiligen geist biß danck-
 bar vmb der heilige christenliche kir-
 chen vnd der heiligen sacramenten
 gemeynsame. ¶ Dem ersten/das er
 dich der übenden kirchen zugezellt
 hat. ¶ **D**z er die heiligen sacramēt
 durch die die schuld verzigē vnd
 gnad verlyhen wirt/vomb dinē wils-
 len zubereit hat. ¶ **D**z er dir ver-
 mögen vnd gnad verlyhē hat die
 ze überkōmen.

An mittwochen.

Gloria patri/ dem vatter bis
dackbar vmb diner sel wir-
dikeit. ¶ **D**z er die in sinem
rat geschaffen hat noch der bildung
vnd gleichnuß der heiligen trifaltiz-
keit. ¶ **D**z er die allen geschöpffte
fürgesetzt hat in sündelicher liebe.
¶ **D**z er die geziert hat mit krefftē
vnd mit wercken der wirdikeit.

¶ **U**nd dē sun bis danckbar vmb
sins manßafftigē wandels/ werckē
vnd übungen willen. ¶ **D**z er die
weg des lebens/ mit vorbild vñ mit
wortē gezoigt hat. ¶ **D**z er durch
klarheit der wunderzeichen meng-
lichē wol gethā hat. ¶ **D**z er vmb
sin woltun d bösen mensche nyd
haß vnd durechtung gelitten hat.
¶ **U**nd dē heiligen geist bis danck-
bar vmb siner sündelichen gaben

vnd gnaden willen. ¶ **D**z er dir gemeyn gnadē der natur vnd glücks mit andern menschen verlyhē hat. ¶ **D**z er dir etlich sunderlich gnaden vnd gaben mit etlichen in sunders verlihen hat. ¶ **D**z er dir sunderliche krafft der andacht ingegossen hat. ¶ **Am donerstag.**

Gloria patri / dem vatter bis danckbar vmb fürsehūg deiner notturfft mit zymlicher narūg vñ kleidern. ¶ **Zu notturfftisgē gebrauch** dz du nit müßist arbeiten. ¶ **Zu zymlicher gezierde** dz du nit müßist kettlen. ¶ **Zu eynē ersamē stat** dz du nit müßist vil sorgē. ¶ **Vnd de sun** bis danckbar vmb die vorwirckung syns lydens vnd vmb syn vßgan zu sinē lydē. ¶ **D**z er an die statt syns lydens willichlich gangen vnd kōmen ist. ¶ **D**z

er sich hat von sinem iunger laßent
verkouffen. ¶ **D**z er so eyn fürpür
dig testament gelaßen hat/ vnd an
syn lyden williclich gangē ist.

¶ **U**nd dē heiligen geist biß danck
bar vmb kunst vnd trost der heili
gen geschriffte. ¶ **D**z er dich zu prie
sterlichem orden geistlichem stat ges
fordert hat. ¶ **D**z er dir gelirneit
kunst vnd lere verlihen hat. ¶ **D**z
er dir der heiligē geschriffte verstantz
nuß/ bücher vnd lerer geben hat.

Um fritag.

Gloria patri/ dē vatter biß
danckbar vmb sins empfi
gē fristens vñ regierēs willē.
¶ **D**z er dich vnd alle ding vmb
dinen willen im bestē wesen vffentz
haltet. ¶ **D**z er dich vor den syen
den/ vor verderpnuß vnd vor swerē
sicchtragen beschirmt. ¶ **D**z er dich

in glücklichen vnd widerwertigen
dingen sorgsamlich regiert.

¶ Vnd dem sun bis däckbar vmb
sins lydens vnd sins bitteren tods
hinscheidē. **¶** **S**z er hingegebē/ ge
fangē vñ gebundē ist wordē. **¶** **S**z
er von richter zu richter gefürt/ ver
urteilt vñ verdampt ist. **¶** **S**z er
so groß vnd so vil swerer pin gelit
ten hat/ vñ zu lest des bitteren tods
gestorben ist.

¶ Vnd dē heiligen geist bis danck
bar vmb die gantzlichen gerecht
machung. **¶** **S**z er dir geben hat
gnad dinē willē in gūts ze bekerē vñ
dar inn ze blibē. **¶** **S**z er dir geben
hat hoffnung zu besserung vñ dar
zu notturfftige hilf thut. **¶** **S**z er
dir verlihen hat übung der tugen
den vnd hymelsche spis git.

¶ Am sampstag.

Gloria patri/ Dem vatter bis
danckbar vmb der heiligen
engeln vñ vmb diner eltern
dienstlicheit. ¶ **D**z er dir die engel
zu dienstliche geisten gemacht hat.
¶ **D**z er dir ersam/ from vnd mit-
telmessig vatter vnd mütter geben
hat. ¶ **D**z er dir auch geistlich vete-
ter vnd vnderwiser beschert hat.
¶ **V**nd dem sun bis däckbar vmb
das mittel zwüschē synem lyden
vñ siner vstendy. ¶ **D**z er so gne-
dicklich zu den hellen abgefäre ist.
¶ **D**z er dry tag im hertzen der er-
den gelegen ist. ¶ **D**z er die altvete-
ter so mechtlich erlöset vñ vs ge-
fürt hat.
¶ **V**nd dē heilige geist bis danck-
bar vmb den hilfflichen bystande
der heiligen. ¶ **D**z du durch ir vns
derwysung vnd vorbild von aller

irung erlöset. ¶ **D**u durch ir
imbrünstikeit vñ verdienvor trag
keit erweckt. ¶ **D**u durch ir bitt
vnd verdienen von franckheit er
löset vnd gesund werdift.

Am Sunnentag.

Gloria patri/ dem vatter bis
däckbar vmb aller geschaff
nen dingē wolgeschicklikeit.
¶ **D**u er dir geben hat die obern
ding ze hülff/ als christū/ die engel
vnd die heiligen. ¶ **D**u er dir gebē
hat die glichē ding zu verdienūg/
als die menschē güt vñ böß. ¶ **D**u
er dir gebē hat die vndern ding zu
dienst/ als die welt vnd was vff er
den ist.

¶ **U**nd dem sun bis däckbar vmb
den löblichē syg siner verstendy vñ
der nachfolgenden dingen. ¶ **D**u
er löblich erstandē so hoch wirdidlich

zu hymel vff gefaren ist. ¶ **D**z er
durch sendung des heiligen geists
die heiligē kirchen gestiftet vnd bes-
steriget hat. ¶ **D**z er für vns bitt-
tend sich vns zu ewiger nyessung
vnd belonung behalten hat.

¶ **U**nd dē heiligen geist biß danck-
bar vmb die fryen gnedigen ver-
heißung der ewigen froiden. ¶ **D**z
er dir verheissen hat abnennung al-
ler übeln dingē durch das dz er dir
gitt die liebe der anwünschung.
¶ **D**z er dir verheissen hat aller gü-
ten dingē mitnyessung / durch dz
er dir gitt ze hoffen vff warheit sy-
ner verheißung. ¶ **D**z er dir ver-
heissen hat aller dyner begürden er-
ferrigig / durch dz er dir gitt ze ho-
ffen vff syn macht ze geben.

Die summe vnd der bechluss
des Gloria patri.

Welchem aber solche sunderliche
 stückly zewil were ze betrachten/der
 mag in gemeyner form eyne solche
 kurze betrachtung haben/ **Gloria**
patri/ dem vatter der mich geschaf
 fen hat da ich nit was. **Vñ** **dē** sun
 der mich verlornen erlöset vnd wi
 derbracht hat. **Vnd** dem heiligen
 geist der mich eyne kynd des zorns
 vnd der verdampnuß gerecht ge
 machet hat. **Darumb** solich vnd
 souil **Gloria** vmb solichs alles vñ
 ygliches sye im/ **Als** da was im an
 fang da in lopten die morgenster
 nen/ **So** vil nu vñ allzitt in dem
 hynlouff diss lebens im geben wirt
 von der heiligen ganzen christen
 heit/ **So** vil als ouch wirt sin in
 alle welt der welten von allen se

ligen im vatterland. Solich lob
sye im yez samentlich vnd gegens
württlich/ der nur solich vnd so
vil güts gethan vnd verlihen hat/
Amen.

Den
ker
gott
ges
ma
als
ter

N
S
Z
C
H
S
V
B
C

Sant Bernharts Rosenkrantz
 Den er selbs vom heiligen geist ge-
 lert der heiligē ungfrowen maria
 gotts müter ze lob vß der heiligen
 geschriffte gedichtet hat. Den mag
 man singen noch der noten wyse/
 als d' Sequenz luter/ **S**alue ma-
 ter saluatoris.

Ave salue gaud vales/
 O maria nu ze male/
 Lyn rosekrantz ich dir flicht/
 Nit von blüß der meyen blümen/
 Sunder von geistlichen rümen/
 Zierlich dir zu lob gedicht.
Aue ün gfrow spons vñ tochter/
 Hochgeerte christus müter/
 Fürsehen von ewikeit/
 Durch propheten vnd wissagen/
 Vß gekünt vor alten tagen/
 Bist gotts ougen gfellikeit.
Aue zarte ros vßerborn/

Von der künigen ersten geboren/
Ober all hymel gesetzt/
Durch all welt weit vß gespreitte/
Vnser schirm schatt vnd geleitte/
Sß der fyend vns nitt lerzt.
Aue o der gottheit hymel/
Des paradis wollust zymel/
Sal der höchsten maieftet/
Heiliger trisaltikeit tempel/
Aller fröntugend eyempel/
Christi gotts gezellt vnd bett.
Aue sponsa gemabel zart/
Die von dē engel gegrüßt wart/
Swanger von dem heilgē geist/
Din von hymeln überschatter/
Ist in ewikeit der vatter/
Müter gottes wort du treist.
Aue iungfrow die doch kyndet
Hat/die hurst was angezündet/
Brandt doch nit in synay/
Du durchglügēd vō gotts schüre!

Durch din fürbitt hilff vnd stüere/
 Wach vns hymelsch burger syn.
Aue müter künig salomons/
 Würdig des hymelschen throns/
 Treyst kron zepter ewidlich/
 Din sun ert mit schönen goben/
 In des hymels thron da oben/
 O künigin der eren dich.
Aue thal vnd brunn der garten/
 Nach dem thürster vñ thut wartē/
 Das rüwzig hertz begierlich/
 Wesch vns von masen der sündē/
 S; wir hymels tranck befynden/
 O wünschenclein gnaden rich.
Aue liechter stern des meres/
 Vß dem spryße die sunn der eren/
 Das liecht der gerechtikeit/
 Durch den berg bistu kezeichnet/
 Von dē ward der steyn gereichet/
 Der on hend ward vßberreit.
Aue schynbar gottes arcke/

Die ergleßend also starcke/
Des tages glast überwynde/
Du bist stercke vnser hoffnung/
Vnser heils vñ fröiden offnung/
Hör dich k'rt so zu dir tringe!

Allre schöne veldes blüme/
Die mit hohem schyn vnd
rüme!

Vffgast so gar wunderlich/
Wer dir dient din gnad empfindet
Honges waben süsse synder/
Die im blibet ewicklich.

Salue schöner regenbogē/
Glanz voll farwē hochgezogen/
Luchtest schon gen vesperzitt/
Den ergleß die sunn der eren/
Bist eyn zeichen gott des herrē/
Der sin friden durch dich gitt.

Salue sbüryne süß vnd wolck/
Du fuerst durch die wilde das
volck!

Mitt lob wunder aller hand/
 D; die sy end nit gethören/
 Ir gewalt gen in embören/
 Byß sy bringst in das glopt land.
Salue rit von yesse samen/
 Die vns bringt dē schönē blümē/
 Der syn rouch in hymel gitt/
 Der dich zieret iungfrow werde/
 Vnd gibt süßen gsmack der erde/
 Macht vns sünd vñ lasters quitt.
Salue müter vßertosen/
 In der weder lasters mosen/
 Noch das ioch der sünden haßt/
 Das von eua dich beleide/
 Sunder haßt mitt großer fröide/
 Geborn durch gotts wunder krafft.
Salue dienerin des herren/
 Die in demüt thett ernerē/
 Mitt ir brust den waren gott/
 Mach vns zu dem liecht inkeren/
 Da du schynst in großen eren/

By dem künig herr sabaoth.
Salue iungfrow vserlesen/
Die eyn müter bist gewesen/
Eyns knaben so wunderlich/
Des alleyn den prys du fuereest/
Darumb billich du regnierest/
In des höchsten gottes rich.
Salue müter hohes stammens/
D künigin eyns edlen nāmens/
Wirteyl vns von milter hend/
Dz wir dyn kyndt allzitt loben/
Vmb syn gnaderichen gaben/
In dem rhal vnser ellend.
Salue süß ist mit dir sprachen/
Süß vnd milt von dir betrachtē.
In dir fröid ist über fröid/
Wir armen klarer reynikeit/
Seliger liebe wunnfameit/
Dich ombfahen ist für leyd.
Salue spiegel aller tugend/
Bis myn schilt dz ich syg müged!

Den fyend überwinden.
 Vertrib syn listikeit von mir/
 Dz ich nach disem zitt by dir/
 Hymelsch freid mög besynden.

Glücke dz durch dyn süßikeit
 Das hertz erweicht in liebe
 breit/

Dz die begird wirt glantz er/
 Nach dynem gsmack wiefert das
 gmüt/

Sin gilgē glantz ert vñ behüt/
 Gott dyner wirden pflantz er.

Glücke frow dich zarter throne/

Den mit helffenbeyn so schone/

Gott hatt selber zubereit/

Vnd mit synem gold gezieret/

Dz dar inn sitzt vnd regieret/

Gott der sun in ewikeit.

Glücke ampel die mit trüwen/

Hat der welt zu liecht geburwen/

Gott da mitt man sech den weg/

Der vns sicher füert zum leben/
Vnd eyn nüttes liecht vns geben/
Das nyeman erlöſchen mög.
Gaude höchſte creature/
Ware müter iungfrow pure/
Der geben iſt an gebreſt/
S; wyder naturlich wesen/
Gſchöpffvond müter biſt geweseſen/
Den ſchöpffer geborē beſt. (rich/
Gaude frōw dich fruchtbar ert/
Gedeons ſel das macht ſücht/dich
Von hymels tow begnadung/
Das der iung künig hat angeleit/
Sich als das lembly ſchō bekleidt/
Gott watters eyniger ſun.
Gaude o frōid aller lieben
Heiligen die in frōid ſich üben/
Durch dich frōwt der künig ſich/
Die gerechten all dich eren
Dich lopt in der engel chōren
Ewig gſang ſo mynneclich.

Gaude gekrönt mit sternen kron/
 Mitt sunnē glāz vmbfüret schon/
 Vnder die der mon thut stan /
 Allzitt blibstu vnuerferet/
 Hast vmbgeben vnd vmbgeret/
 Jungfrow müter eynen man.
Gaude schül der zucht vnd eren/
 Bloss der gesatz brunn der leren/
 Das hymelscher artzeny/
 Wollest vns vor schuld ernerren/
 So die thorn der sünd verferren/
 Laß dyn hilff vns wonen by.
Gaude iungfrow froiden iübel/
 Unser leben bslüß on iübel/
 Vmb das die dyn löblichkeit/
 Sie in zitt begand mit andacht/
 By dir blibend ewig on slacht/
 In der hymeln oberkeit.
Gaude dz gott ewiglich blipet/
 By dir vnd du by im/vnd tribe
 Froid mit dir in liebe pflicht/

Durch in ich bitt biß stet by mir/
Lücht myn hertz vñ myn begir/
Mit dem liecht dyner angficht.

Alle blügend vnd lustliche/
Vor dym vffgang liechtes
riche/

Im vffgang ganz schön du bist/
Die keyn felt ye hatt erföret/
Noch keyn sünden mas verferet/
D vñol dem nüt gebrist.

Vale aarons thürre rüt/ (thüt/
Die wunders krafft schon grünen
Süß frucht vñ blümen bringend
Fürpündig ser mynneclichen/
Wandel süß bringst gnugsamlliche
Dir ewig vale singend.

Vale guldynner eymer rot/
Ser da treit das war hymelbrot/
Vnd den süßen edlen wyn/
Da von das luter hertz gesterckt/
Biß zu end der zitt wirt gemerckt/

Allen menschen gnügsam syn.
Vale schönereb gepflanzet/
 Durch gott dē vatter umbschan
 zet/ (bar/
 Durch gotts wort wordē frucht/
 Da d süß wynd oster durchwayt/
 Der trübel von zypren sich bayt/
 Der vns labet wunder gar.
Vale rosen rot vnd zierlich/
 Der waren sunnen begirlich/
 Morgenvöty klarer schyn/
 All stund glanzend mit süßem
 tow/ (frow/
 Durchlücht vñ befücht vns iung/
 Balsams süßer gsmack on pyn.
Vale aller wollust throne/
 Sen gebuwen hat so schöne/
 Die hand gottes meisterlich/
 Durch den synger gotts gezieret/
 Bistu kamer küsch polieret/
Chrüst dym gmahel winneclich.

Vale fürsprechin fürsichtig/
Dabigail versünig/
Widerbringerin alleyn/
Aller welt rurt süßer worten/
Enig moabs vatters porten/
Küniglich sunamitis reyn.
Vale schöne starcke iudith/
Würg des todes fürsten / dz nit
Sin grymmer schalck vns verletz/
Künigin hester vor der hellen
Frist/ vnd thü vns dir zu zellen/
Hymels froiden vns ergetz.
Vale allzitt syest frölich/
Nyeman kan gnüg geloben dich/
Nym fürgüt diß kreuzelin/
Das wir dir zu lob vffsendend/
Vnser bitt wir zu dir wendend
Lob der menscheit trösterin.
Vale iungfrow zu dir schryen/
Ich vß liebe dir marien/
Des tods angels ewig band/

Von dē ast dyner miltikeit/ (leide/
Wend von mir bewar mich vor
Stell mich zu der rechre hand.

O Maria süß der blümen/
Wirtus krafft hoch zederbou/
Pomeranzen krefftiger/ (men/
Apotreck köstlicher salben/
Volgesmack vnd allenthalben
Lieplich als der wynkeller.

O maria blüm vnd rosen/
Zymant ölbaum vberkösen/
Wardi spicat zypress fry/
Wirt vñ wibrouch vñ palmarū/
Vbertriffstu fistularum/
Casy vnd all specery/
O maria port beslossen/
Vö der künge stamm entsprossen/
Für vns frow mit dyner krafft/
In das paradys so bewart/
Scherk vns wol beslosner gart/
Anfang aller iungfrow schafft.

O maria konges kecher/
Gott vatter aller ding secher/
Hat erwelt dz du solt syn/
Syns suns hochwirdige müter/
Der durch dich ist vnser brüder/
O der gnaden fynderin.

O maria guldynen rüt/ (müt/
Durch dich des künigs assuerus
Abblast synen grymmen zorn/
Du kanst vns miltern den herrē/
Dz er vns lieber will neren/
Den das wir werden verlorn.

O maria thurn der milten/
Wolbewart mit thufent schiltē/
Hat künig dauid dich geziert/
In den höchstē hymel gesetzt.
Durch dich werd d syend gelezt/
Der zu übel vns sters füert.

O maria sponsa gottes/
Pferfarer des gebottes/
Müter mit wir bitten dich/

Dich lopt die Hymelsch hierarchy/
 Mit steter froiden symphony/
 Hör ouch vnser bitt gürtlich.
Maria hohe leitter/
 Des Hymels gnadrich vñ heitter/
 Heb vns von der tieffe vff/
 Vns versenckte vō den würgern/
 fuer vns zu den Hymels burgern/
 Da dich lopt der froiden iuf.
Maria syest on we/
 Von mir armen nym diß aue/
 Mit versmach diß krenzelin/
 Gönn mir aller hochste christus
 Mütter vnd sin kamer bistus
 Sin ewiger lober sin.
Maria all ergezung/
 Wach vns milt dē vatter vñ sun/
 Sē heiligē geist mit namē/ (richt/
 Sz er vns nach dem üingsten ge/
 Insetz da man sin heiligē sicht
 In froiden allzitt/ Amen.

